

Innspel til førebyggings- og behandlingsreforma for rusfeltet

Norsk Tannpleierforening, NTpF, takkar for moglegheita til å få gi forsinka innspel til førebyggings- og behandlingsreforma for rusfeltet.

NTpF vil ha fokus på området pasientar med rusproblem og tilgang til oppfølging av nødvendig tilbod og behandling.

Tannpleierforeininga ønskjer utvida rettar for pasientar med ruslidinger fordi:

Personar med rusproblem opplever å ha større munnhelseproblem enn folket elles. Det er problem som er med på å oppretthalda sosial ulikskap i helse, og rusproblem er ofte knyta til psykiske lidinger. Denne livssituasjon og bruk av ulike medikament, medfører munnhelseproblem som auka kariesaktivitet, problem med tannkjøttssjukdommar, munntørrheit med meir, for pasientgruppa. Desse problema kan gi smerter i munnen, påverka evne til ernæring og påverkar den totale livskvaliteten, samtidig som vi veit at munnhelseproblem også kan føra til andre problem som hjartekar sjukdommar, diabetes og meir.

Dette visar at det er eit samansett behov for behandling og oppfølging av denne pasientgruppa

Tannpleierforeininga meiner at det er stort behov for å samkøyra dei ulike hjelpeinstansane som pasientgruppa har behov for. Forebyggande munnhelsetiltak og behandlingstenester, må vurderast i tidleg fase samtidig med tiltak frå andre helseinstansar.

Lov om tannhelsetenester er ikkje utvikla i tråd med samfunnsutviklinga. Slik situasjonen er i dag, får desse pasientane tilbod om tannhelsetenester medan dei er under behandling. Det blir for det meste utført akutt behandling. Den behandling som kanskje er blitt utført, blir ikkje følgjt opp når pasienten er ferdig behandla i helsetenesta. Slik lovverket er utforma i dag, blir nødvendig tilbod ikkje gitt når pasienten er i stand til å ta imot oppfølging. Den munnhelsestatus som eventuelt er blitt etablert under behandlingsfasen, kan dermed raskt bli rasert.

Tannpleierforeininga meiner at tett oppfølging av pasienten sin munnhelse når pasienten er under oppfølging i kommunane eller er friskmeldt, kan gi betre livskvalitet. Det må i større grad satsast på «lågterskel»-tilbod og tidleg innsats på førebyggande munnhelsetenester for å unngå behov for kostbar behandling.

Tilfredsstillande munnhelse kan auka evne til å fungera sosialt og i arbeidslivet. Det er god samfunnspolitikk og er positivt for pasientgruppa og samfunnet som heilheit.

Tannpleierforeininga ser fram til at utvida rettar for pasientar med ruslidinger som er under behandling eller er friskmeldt, og samhandling mellom ulike tenester, blir tema når utval som er sett ned, går gjennom tannhelsefeltet.

Venleg helsing

Norsk Tannpleierforening

Hilde Aga, ledar

Gry Jakhelln, fagansvarleg